

مستطابق

درسمادنده باب عالی جاده سنده
داره مخصوصه
محل اراره :

انظار :
مسکرمز موافق آثار جديده مع المنزله
قبول اولنور
درج ابدلین آثار اعاده اولنور

دین ، فلسفه ، ادبیات ، حقوق و علوم دین باحث هفته لق رساله در

مؤسسه ملی : ابوالعلا زین العابدین - ح . اشرف ادیب

درسمادنده نسخه سی ۵۰ پاره در

فیرلادن مقوا بورو ایله کوندربایوسه ستوی
۲۰ فروش فضله آلنیر

تاریخ تأسیسی :
۱۱ نمرز ۳۲۴

درسه دنده	سنه لکی	القی آیانی
ولا یانده	۸۰	۴۰
ملک اجنبیه ده	۸۰	۴۰

درسمادنده بوسته ایله کوندربایوسه ولایات بدلی اخذ اولنور.

عدد : ۴۲

۶ جمادی الاخره ۳۲۷ پنجمینبه ۱۱ حزیران ۳۲۵

ایکینجی جلد

ارباب استقامتک دارینده مسعودیتی

مقاله سندن مابده

تفسیر کشافنده « ثم استقاموا » قول کریمی تفسیرینه دائر خلفای راشدین ایتدیلرمن حضراتنک دیکر لرندن ده روایتلر وارددر . حضرت عمر الفاروق رض « استقاموا علی الطریقه ولم یروغوا وروغان الثعالب » طریقت معرفه اوززنده ثبات ایتدیلر ، تیلکی کبی اویناقلق حیللر کارلق ایتدیلر .

حضرت عثمان رض : « اخلاصوا لله العمل » اخلاص اوزره اولدیلر ، بوتون معامله لرینی برای حق اجرا ایتدیلر ، حضرت علی کرم الله وجهه : « ادوا فرائض الله » فرائض الهیهی ادا ایتدیلر ، بیورمشلرددر .

بیضاوی علیه الرحمه دییورکه : « خلفای مشارالیهم حضراتندن مروی اولان بوتفاسیر شریفه (استقامت) مفهوم کلیسنده مندرج بولونان جزئیات ایله تمثیللر محمولدر . هیچ برنده تخصیص مقصود دکلددر . بونلرک کافهسی اجتماع ایتدیکجه حقیقت استقامت بولونماز ، شوآیت جلیله نلک حاوی اولدینی تبشیراته کسب استحقاق ایدلمز .

« تنزل علیهم الملائکه ان لا تخافوا ولا تحزنوا » نظم جلیلی تفسیرنده بیضاوی علیه الرحمه « فیا معن لهم بما یشرح صدورهم ویدفع عنهم الخوف والحزن » دیمشدرکه بو تفسیره بناء استقامت اهلی اولان مؤمنلره ملائکه کرامک نزولی حال حیاتلرندن وقوع بولمقده اولدینی آکلاشیلیر . مفساد نظم : آنلره عارض اولان مشکلاتی تهوین ایچون ملائکه طرفندن انشراح صدر ویره جک ، خوف وحزنلرینی کیده رجک الهامات وقوع بولور ، امداد واعانه اولونور ، دیمک اولور .

بیضاویک بوتفسیری بلاشبه صحیحدر . ملک لک طالب علم شرعی اولانلره بسط اجنبه ، حجاج کعبه به بذل مصافحه ایتلری حقدن کی احادیث شریفه بو حقیقتی مؤید اولدینی کبی « ان الملائکه لا یتدخلین فی کلب اوتمائیل » [۱] منللو احادیث نبویه ده مذکور ملائکه کی علمای کرامک رحمت ونصرت ایچون نازل اولان ملک لره تخصیص ایتلری ده واضحاً افاده ایتدیکدر .

بعض ارباب تفسیر « ان لا تخافوا ولا تحزنوا » تبشیرینی هنکام ممات وزمان حشره تخصیص ایله « ان لا تخافوا ما تقدمون علیه ولا تحزنوا علی ما خلفتم » دییه تفسیر ایتمشلرددر . یعنی ای ارباب استقامت قدوم ایده جککدر دار آخرتدن قورقما ییکدر ، ترک ایده جککدر دنیا ایچون محزون اولما ییکدر .

« و ابشروا بالجنة التي كنتم توعدون » انبیا واسطه سیله وعده بیورلدیفکدر جنت اعلایه نائلیتله مسرور اولوکدر .

« نحن اولیائکم فی الحیاة الدنیا » بز سزک ولی وناصر لرکدر اولوب حیات دنیاده سزله حتی الهام وخیری تلقین ، مهالک وآفادن وقایه ایله سلامتکدری تأمین ایتدیکدریز .

تفسیر بیضاویده بو معنا افاده اولوندقدن صوکر « بدل ما کانک الشیاطین تفعل بالکفره » عباره سنی علاوه ایله آیت جلیله نلک سابقا مذکور « وقضنا لهم قرناء فزیوالهم مابین ایدیهم وما خلفهم » [۲]

[۱] موقع احترامه موضوع ذی روح صورتلری ایله کلب کبی مونددر حیوانلرک بولندینی اوطیه ملائکه کرام کیدمزلر .

[۲] اومنکرلره بن عظیم الشان بر طاقم قرئای سوء ، انس وجن شیطانی تسلیط ایلدم ده اولنر کندیلرینه پیشگاه اتخاذ ایتدیکری آمال غیر مشروعی بد ترویج ، آرقه لرینه آندنلری حقوق واجبه یی تهوین ایتدیلر .

قرة العيون اوله رق اعداد بيوزيلان نعمای غيبه يي تصور ايده مزلر.
وزقنا الله هاتيك النعم بلطفه وجوده آمين :

مناسرتي اسماعيل مفي

مصر مطبعه عاني :

المؤبد مراب

عثمانيلير بر انقلاب كچيرمكده اولدقلى ايچون

معذور كورلميدرلر

دون يازديغمز بر مقاله ده ديمشك كه شرق محررلى ايچون
استانبولده كي مشروطيت پرورانك حركات واقعه سنه عايد حوادثي نظر
رفق وانصاف ايله كورمك ايچاب ايدر ؛ يوقسه شدتلي مؤاخذاتك
معناسي يوقدر .

بز بوسوزلري باشقه بر غرض تحتنده سويله مدك . بيلورزكه
ملتلك لوثيات ايله آلوده بردور استبداددن بوتون فضائل وكالاتي
حائز دور مشروطيته يوكسلمي آنجق بر چوق شدايده كوكس
كردكدن ؛ بر چوق مدهش عقباته تصادفله كاه دوشكدن كاه قالدقندن
صوكره قابل اوله بيلير . بو آره لقي بر چوق جمعيتلر ، بر چوق فرقلر
ظهور ايدر كه بدايتده پارلاق پارلاق آمال بسر ، بويوك بويوك
خصه ائمي تمثيل ايدر ايكن صوكنده اوانلار ، اوخصيصه لر بردن بره
معكوس اولوويرر . انقلاب كچيرمكده اولان ملتلك قارشيسنه ديكلشمش
كورده چكي هر عقبه نك اويله بر طاقم لوازم شئامتي واردركه بونلر
بر آره لقي جمعيتك آسايشنه قصد ايدر ، راحت وسكيتني آليركوتورر .
حق باطلدن ، ايني كوتودن تماميله سچيله رك ملت قوانين اساسيه سنك
بخش ايده چكي سعادت كامليني احراز اينجه يه قدر محكوملرده ،
معصوملرده انقلابك صدماتندن حاليله نصيبه دار اولور .

بوكون مرتجعلمره قارشى اظهار شدت ايتديكي ايچون اتحاد وترقي
جمعيتنه دشمن كسيلن محررلير عجباً ملتلك استبداددن مشروطيته
تعاليسي عادتاً برأوك آلت قاتندن اوست قاتنه چيقار كي ، كال حضور
واسودكي اينجده مي اولور ظن ايدورلر ؟

اكر بويله برظنده بولئورلرسه جهان مدنيتك كچيرديكي انقلابات
اجتماعيه ، بوكون مشروطيته اداره اولنان اقوامك وقتيله اوغرا ديني
شدايده قارشى نه بويوك بر جهل ، نه يامان بر غفات اينجده پويان
اوليورلر ! حال بوكه فرانسسه ، انگلتره حكومتلرينك تاريخي تتبع
ايتك او قدر اوزون برايش دكل .

واقعا بوكون تركياده برنجي ناپوليونك حكومتني آكديرر بر
حكومت عسكريه قائمدر ، لكن انقلابك صوك دورهي اولان اوچنچي
دوره يه كچه بيلمك ايچون بويله برايكنجي دوره كيرمك الزم ايدى . حال
بويله ايكن مصرده بعض غزته لقيامتلى قوبارييور ؛ عثمانليق علنده بك اليم
حادثه لر ظهور ايتديكنه دائر بوتون جهان اسلاميته غايت مهيج ، غايت

نظم كريمه جهت ارتباطي بيان ايدلمشدر . يعنى منكر وملحدلى
اضلال ايچون شياطين جانبدن وقوع بولان تسويلات خلافه اوله رق
بز مؤمنلرك هر زمان خيرخواهي ، آنلر حقنده وسائط امداد الهى يز .
(وفي الآخرة) دار آخرته دخى شفاعت وسائر صورته معاونت
ايلرز . (حيثما تتعادي الكفرة وقرناؤهم) سائر ناسك يكديكرينه
اظهار خصومت و ابراز عداوت ايلدكلرى هنگامده .

[بو علاوه ايله ده سورة زخرفده كائن (الاخلاء يومئذ بعضهم
لبعض عدو الالمتقين) نظم شريفه ايتا بيورلمشدر . معاي منيفي :
دنياه ايجا كچين كيمسه لر روز قيامته بري برينه خصم وعدو
اوله جقلدر ، زيرا آره لرنده جاري اولان حب وموالات بادي خسران
وعقوبت اولديني اوزمان تبين ايدمك ، بالطبع مبدل خصومت
وعداوت اوله جق . يالكز متقيملرك ، (وتعاونوا على البر والتقوى)
سرينه آكاه اولانلرك خلت وصداقتلى في الله اولغله ثمرات بي نهايه يي
منتج اوله رق اوراده ده پايدار اوله جق وكنديلريني تلطف وتبشير
مقامنده اشبو خطاب الهى شرف صدور ايدمك . (يا عباد لا خوف
عليكم اليوم ولا اتم تحزنون) يعنى اي رضاي باري آرزوسيله يكديكرينه
محبت وايضاى وظيفه ده معاونت ايدن قوللرم ! سزك ايچون بوكون
نقورقو يوقدر . سزلا اصلا محزون ده اوله جتسكز]

(ولكم فيها ما تشتهي انفسكم) سزك ايچون دار آخرته
كوكلكركزك آرزو ايتديكي هر درلو نعمتلر واردر . (ولكم فيها
ما تدعون) هر تمنى ايتديكركز لذائذ روحانيه ومواهب رحمانيه سزه
آماده در .

(نزل من غفور رحيم) بونلرك جمهاسي رحمت ومغفرت صاحبي
ربكزدن « نزل » اوله رق ويريله جك . « نزل » ضمتين ايله در .
طعام نزيل ايله تفسير اولنوركه نازل اولان ضيفه در عقب احضار
اولان طعام وسائر ديمكدر . بونك بلا تهيؤ اولغله او قدر مكمل
اويله جنبي معلوم اولديغندن اهل جته طلب وتمنى اولونميان ، خاطرلرينه
خطور ايتمين ده ايك چوق نعمتلر عنايت بيوريله جنبي ، اشبو نعم
كونا كون سبحانيه قياساً اولكي نعمتلر (نزل) منزله سنده قاله جنبي
مستبان اولقده در .

نصل كه بر حديث قدسيده وارد اولمشدر : (اعددت لبادي
الصالحين مالا عين رأت ولا اذن سمعت ولا خطر على قلب بشر)
يعنى بن صالح ، حقوق شناس قوللرم ايچون هيچ بر كوزك
كورمه ديكي ، هيچ بر قولاغك ايشتمديكي ، اصلا بشر قلبه خطور
ايتمه ديكي بي نهايه مواهب قدسيه سبحانيه اعداد بيورمشمدر .

بو حديث شريفني بياضوي عليه الرحمة سورة سجده ده واقع استعذ بالله
(فلا تعلم نفس ما اخفى لهم من قرة عين جزاء بما كانوا يعملون)
آيت جليله سي تفسيرنده ذكر ايتمشدر . چونكه آيت مذكوره ده
بوتبشيري حاويدر : معاي شريفني : هيچ بر نفس . حتى ملك مقرب
ونبي مرسل دخى صلحاى مؤمنين ايچون اعمال حسنه لرينه مكافاة